



## **Universitätsbibliothek Paderborn**

### **Historiae Ecclesiasticae Pars ...**

Historiae Ecclesiasticae Pars Secvnda, Qva Continentvr Socratis Scolastici  
Constantinopolitani lib. 7. Theodoriti Cyrensis episcopi lib. 5

**Christopherson, John**

**[Köln], 1569**

De Serapione Diacono, quo incitante, inimicus & hostis clero effectus est  
Ioannis. Cap. IIII.

**urn:nbn:de:hbz:466:1-12704**

mus, vt paucis complectar, hæc fuit. Erat homo, vt fertur, propter incredibile temperantiae studium moribus aliquanto seuerior, & vt quidam dixit, qui illo ab ineunte adolescentia familiarissimè vsus fuerat, iracundia potius, quam obseruantiae indulgens. Ac propter exquisitam vitæ institutionem, rerum futurarum non satis prouidus, sed præ simplici & syncero animo facilis ad decipiendum. Quintam libertate loquendi aduersum eos, qui cum eo in colloquium veniebant, extra modum vsus est. Atque vt in docendo multum operæ posuit, vti audientium mores emendaret: sic in colloquiis, illis, qui eius mores ignorabant, paulo habebatur insolentior.

*De Serapione Diacono, quo incitante, inimicus & hostis clero effectus est Ioannis.*

C A P. IIII.

Iannes his moribus imbutus, & ad Episcopatus honorem sublatus, dum constitueret (sic enim putabat) clericorum suorum viuendi rationem corrigere, maiorem seueritatem, quam par erat, in eos declarauit. Itaque statim in initio Episcopatus, cum aduersus clerum paulò visideretur acerbior, ab illo propterea odio habitus est: ac complures erga eum animo offensiore esse, & tanquam nimis iracundum vitare cœperunt. Serapion illius ecclesiæ diaconus, cur in omnium offensionem incurreret, author profectò fuit. Qui præsente vniuerso clero, contenta voce sic illum affatus est: nunquam ô Episcopum, istos pro arbitrio regere poteris, nisi vna eademque virga omnes coerceas. Quod eius dictum, grauem odij flamمام contra Episcopum incendit. Episcopus non multò post, complures ab ecclesia, alium ob aliam causam, eiecit. Illi vti in tam violento dominantium impetu vsu solet venire, contra eum conspirare, & apud populum falsò criminari cœperunt. Hæc, quæ de illo vulgo dicebantur, nimirum quod cum nemine cibum capere, & ad conuiuum inuitatus neutiquam accedere volebat, fidem audientibus fecerunt. Unde calumnia in eum concitata, magis magisque creuit.

T 4 Qua

S O C R A T . H I S T O R .

Qua ratione fuerit inductus , vti cum nullo cibum caperet , nemo pro certò dicere potuit . Nam alii , qui illud eius factum defendere voluerint , aiunt illum propterea seorsum per se cibum sumpsisse , quod valetudine erat imbecilla , & ægrè cibaria apposita admittebat . Alij propter nimis austera viuendi disciplinam , eum hoc fecisse afferunt . At vt cumque se res habebat , non parum ad probandum crimem illi ab accusatoribus obiectatum valere videbatur . Sed tamen populus propter conciones ab illo in Ecclesia habitas , spretis neglectisque accusatorum eius calumniis , permagno erga illum studio affectus fuit , hominemq; dilexit plurimum . Conciones verò cum ab eo ipso in lucem editæ , tum à scribis celeri & exercitata manu , illo eas è suggestu recitante , exceptæ , qualesnam fuerint , quām illustres , quāmque ad persuadendum accommodatæ , non est necesse in præsentia differere , præsertim cum omnibus copia sit eas pro arbitratu euoluendi , multumq; fructus & utilitatis ab eisdem percipiendi .

*Quod nō modo illis qui in cleri numero censemur , aduersabatur , sed optimates quoq; ipsos , & de Eutropio Eunucio . CAP . V .*

**Q**uamdiu Ioannes in clerum solum inuectus est , infidix contra illum paratæ , non multum habuere ponderis : sed cum magistratus extra modum reprehendere aggrediebatur , tum maiore inuidiæ incendio conflagrare cœpit . Et primum contra eum multa dicebantur : deinde cum eadem essent indies amplificata , tandem auditoribus fidem fecerunt . quinetiam concio in Eutropij reprehensionem ab eo habita calumniam adauxit . Nam Eutropius Eunuchus , qui Imperatoris cubiculo præfuit , & primus ex Eunuchis dignitatem Consularem ab Imperatore obtinuerat , sedulò dabat operam , vt Lex ab Imperatoribus promulgaretur , ne quisquam ad Ecclesias tanquam ad Azylum profugeret , sed vt hi , qui eo profugerant , inde abriperentur . Qua lege confessim ille ipse pœnas dedit . Nam simul atque promulgata fuit , Eutropius in offendionem apud Imperatorem incurrens , confugit ad ecclesiam . Ioannes itaq;

Epi-